

Torersaarnissamut maleruagassat najugaqatigiiffik 160 – Iserit A/S - Nuuk

Aallaqqaasiut

Saniliniq najugaqatinillu mianerinninnissaq pingaaruteqarpoq. Najugaqartut akunnerminni ajunngitsumik pisuseqarfigisarnerat najugaqarfimmi pitsaasumi toqqissisimanissamut annertuumik sunniuteqaqataasarpoq.

Attartortup inissiaq paarinerluppagu, aserorteriffigippagu imaluunniit attartortoq ineqarnermut kiassarnermullu akilnngitsuukkaminik akiligassaqaqerpat attartortitsisup attartorneq atorunnaarsissinnaavaa.

Eqqagassat

Inissiaqarfimmi eqqagassanut nakkartitsisarfeqarpat, igitassat nakkartitsisarfikkut iginneqannginnerminni pappiaqqamut poortorluarneqarsimassapput imaluunniit puussiamut ikineqarsimassallutik. Inissiaqarfimmi eqqagassanut nakkartitsisarfeqanngitsuni igitassat igitivissatut inissitaasimasunut iginneqartassapput. Igitassat majuartarfeqarfinnut imaluunniit eqqaaveqarfiit naqqinut iliinnarneqassanngillat.

Torsuusarsuaasat majuartarfiillu ataatsimoorussat

Attartortoq inissiap najugarisami silataani torsuusarsuaasap majuartarfiillu salliarnartaasa eqqiluisaartinneqarneranni peqataassaaq. Sikkilit, meeraaqqanik aneerussissutit, qamutit pequtillu allat majuartarfinni, majuartarfiit sangoriaanni torsuusarsuaasaniluunniit inissisimatinneqassanngillat.

Antennit

Antennenit sullissineq, attavinnit il.il najugaqartup akisussaaffigai §52 imm. 4 malillugu

Uffarfiit, kuutsitsiviit, perusersartarfiit, erngup qorlorfii il.il.

Annoraamerngit, qiviuusat assigisaalluunniit perusersartarfinnut imeq atorlugu kuutsittakkanut iginneqartassanngillat. Erngup qorlorfii, perusersartarfiit imiisivii quisarfittaallu ussiippata, imaluunniit erngup aqputai allat ussiippata attartortitsisoq piaartumik nalunaarfigineqassaaq.

Mingutsitsineq

Ataatsimoorussamik atorineqartut, soorlu majuartarfeqarfiit, kaajaluisat imaluunniit pinnguartarfiit mingutsineqaaqusaanngillat. Illup iigai qisuttaaluunniit titartuiffigeqqusaanngillat, kigartorneqaaqusaanatik qalipanneqaaqusaanatuunniit. Eqqiaanissaq pitsanngorsaanissarlu pisariaqarpata attartortitsisoq tamatumingna isuma ginnissinnaavoq, attartortup akisussaasup akiligasaanik.

Uumasuuteqarneq

Attartortitsisoq allakkatigut akuersiseqqaarnagu qimmeqartoqaqqusaananilu qitsuuteqartoqaqqusaanngilaq. Uumasuuteqarnissamut akuersissummik Kommuneqarfik Sermersooq – Nuuk qinnuteqarfigineqarsinnaavoq Pisuni atasiakkaani uumasuuteqarnissamut akuersissuteqartoqarnissaa Nuuk City Development aalajangigassaraa. Nalinginnaasumilli qimmit iluaqutitut atugaasut, soorlu tappiisut qimmiisa aamma politiit qimmiisa uumasuutigineqarnissaat tamatigut akuersissutigineqarsinnaavoq.

Nalinginnaasumik inissiaqarfimmi (inissiat quleriaani) akuersisoqarneq ajorpoq qimmiuteqarnissamut qitsuuteqarnissamullu. Illuni uiguleriaani tunngaviumik uumasuuteqarnissamut akuersissuteqartoqarsinnaavoq.

Najugaqatigiiffik 160-mi illuni uiguleriaani uumasuuteqarnissamik AKUERSISOQARSINNAVOQ qularnaveeqqu-siissutit akilereerneratigut inatsisit atuuttut naapertorlugit. Inissiaqarfimmi ataatsimoorussani isaariallinni akuersissummik PISINNAANNGILLAT.

Sannatit, nipilersorneq il.il.

Sakkut nipiliortut, soorlu qillerutit, eqqaamiut eqqarsaatigalugit taamaallaat nal. 8-p aamma nal. 19-ip akornanni atorneqaqqusaapput. Majuartarfinni, torsuusaasarsuarni imaluunniit naqqit iluini nipiliorluni pinnguartaqqaqusaanngilaq. Radiu, fjernsyni, båndoptageri, oqaluttartoq imaluunniit CD-mik nipilersuut eqqaamiunut akornutaasumik atorneqaqqusaanngillat. Nalliuttorsiornerit nipiliorfiusut eqqaamiut tamatuminnga akuersiseqqaarsimatinnagit ingerlanneqaqqusaanngillat. Nipilersortartut sungiusartarneri imaluunniit nipilersornermik ilinniartitsisarnerit attartortitsisumut isumaqatigiissutigineqaqqaarsimassapput.

Tamalaanik toqqorsiviit – piliviit

Tamalaanik toqqorsivinni – pilivinni ininiluunniit assigisaanni ikuallajasunik, soorlu benzinamik, petroleumik, terpeninimik lakkimillu uninngatitsisoqaqqusaanngilaq. Attartortup init taamaattut parnaarsimanissaat isumagisassaraa – atorneqaanngikkaluarpataluunniit.

Kiassaait imermik imallit

Kiassaait imermik imallit ussiillisimappata imaluunniit kiassaateqarfimmiit aqutaasa arlaat ussiitsoqalersimappat, attartortitsisoq tamanna pillugu piaartumik nalunaarfigineqassaaq.

Allagartalersuineq

Allagartalersuinerit, tassani matumi allagartalersuutit kisiisa pinnagit, attartortitsisumit allaganngorlugu akueri-neqarsimassapput.

Errorsineq

Attartortoq atuisutut allatuulli errorsisarfinnik atuisinnaatitaavoq. Errorsisarfimmik atuineq najoqqutassiat nivinngarneqarsimasut malillugit aammalu inuup nammineq akisussaaffigisaanik ingerlanneqartassaaq. Errorsisarfiup atortui ajoquteqarpata errorsisarfinnik nakkutilliisut attartortitsisorluunniit nalunaarfigineqassapput. Aneersuartarfinni error-tanik panersiinerit sanilinut akornutaassanngillat.

Inigisami allanngortiterinerit

Attartortoq talulersueqqusaananilu talunik piiaaqqaqusaanngilaq. Aamma attartortitsisoq allaganngorlugu akuersisuteqarsimatinnagu inissiami allanik allanngortiterinissaq inertequtaavoq. Allanngortiterinissaq akuerineqarsimappat attartortup allanngortiterinermut aningaasartuutit tamaasa akilissavai. Allanngortitikkat attartorneq atorunnaar-pat pissuserisimasamissut ilisinneqaqqinnissaat piumasarineqarsinnaavoq. Pissuserisimasamissut ilisinneqaqqin-nerat attartortup suliarissavaa imaluunniit taassuma akiligassaanik suliaritinneqassaaq. Attartortitsisoq akuersiseqqaarnagu allanngortiterisoqarsimanera paasineqarpata, tamakku attartortup akiligassaanik ingerlaannaartumik pissuserisimasamissut ilisinneqaqqissinnaapput.

Torsaarnissamut maleruagassat maleruarneqassapput

Torsaarnissamut maleruagassat tamakku, imaluunniit attartornermut peqqussutip tamatumunnga aalajangersagartai naapertorlugit torersaarnissamut maleruagassat akuersissutigineqarsimasut attartortup maleruanngippagit, tassa torersaarnissamut maleruagassat annertuumik unioqqutinneqarsimappata, attartortitsisup attartorneq unitsis-sinnaavaa.

Eqqaamallugu, torersaarnissamut maleruagassat allanuinaq atuuttussiaanngillat!

Torsaarnissamut maleruagassat pillugit apeqqutissaqaruit uagutsinnut saaffiginnissinnaavutit

Iserit A/S, Issortarfimmut 1 B, Postbox 1539, 3900 Nuuk, oqarasuaat.:36 30 00, Fax:363019,

E-mail: iserit@iserit.gl Uppersagaq: www.isserit.gl